

# ଏଫସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସିୟ କୁଲମିତାକି ପାଞ୍ଜୁଲ ରାଚାମାନି ଆକୁ ମୂଲୁ ହାଡ଼ା

ଏପିସିୟ କୁଲମିତି ଆକୁ ପାଞ୍ଜୁଲ ରାଚାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୬୦ ବାର୍ସା ଡାୟୁ କଲସିୟ କୁଲମିତାକି ରାଚିତି ବେଲା ରାସ୍‌କି ଆହାମାଚେ □ ରାଚିନାସି ତାନୁଏ ପାଣ୍ଡୁଆହାମାନି ପାଞ୍ଜୁଲ ଇଞ୍ଜିମାନେସି ୧:୧ □ କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଗାରି ଏପିସିୟ ଆକୁ ପାଞ୍ଜୁଲ ରାଚାମାନେସି ଇଞ୍ଜି ଇନେରି □ ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍‌କି ଆହାଡ଼ୟିନେ □ ପାଞ୍ଜୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଚିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ □ ପାଞ୍ଜୁଲ ତୁକିକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୬:୨୧-୨୨ □

ଏପିସିୟ ଏସିୟା ରାଜିତି ର କାଜା ଗାଡ଼ା ମାଚେ □ ଏପିସିୟ ଗାଡ଼ାତି ଗ୍ରିକ୍ ପେନୁ ଆଚେନି ଅଡ଼େ ଏଦାନି ଦେଞ୍ଜୁଡ଼ି ଝେଈତାୟି ମାଚେ, କାମା ୯:୨୩-୩୧ □ ଏପିସିୟ କୁଲମି ନଟେଏ ବାଡ଼ୟୁ ଗାଗାୟି ମାଚେ ଡାୟୁ ରିହାଲି ମାଟ୍‌ହେ ଝେ ବଲୁ ୨:୧-୭ □

ପାଞ୍ଜୁଲ ତାନି ଆଦା ଆକୁତା ମାହାପୁରୁ ଏନିକ୍ ତାନି ଲକୁଣି ଆଚିତେସି, ଅଡ଼େ ଏନିକ୍ ଜୀସୁ ତାଣାଟି ପାପୁଟି ଗେଲ୍‌ପିତେସି ଏଦାଆଁ ଝେସିମାନେସି □ ପାଞ୍ଜୁଲ କୁଲମିତି ଆଜା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା □ ଆକୁତି ଡାୟୁ ବାଗାତା ପାଞ୍ଜୁଲ ପଡ଼ଞ୍ଜି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାତିମାଲି ମାନେସି □

**ପତିତା ମାନାୟି**

୧ ପାଞ୍ଚଲ ଜହରା କିହାନା ପୁଣ୍ଡି କିହା କଡିନାୟି □ ୧:୧-୨  
 ୨ କ୍ରୀସ୍ତ ତଲେ କୁଲମିତି ତୁକ୍ନାୟି □ ୧:୩-୩:୨୧  
 ୩ କ୍ରୀସ୍ତ ତାଣା ଏନିକ୍ ନୀଡିନାୟି □ ୪:୧-୬:୨୦  
 ୪ ଜହରା କିହାନା ଆକୁତି ରାପ୍ନାୟି □ ୬:୨୧-୨୪

୧ ✳ପାଞ୍ଚଲ, ମାହାପୁରୁତି ଅଶ୍ୱପୁ ତଲେ କ୍ରୀସ୍ତ ଜୀସ୍ତୁତି ପାଣ୍ଡୁଞ୍ଜି ଆହାମାନାତେଏଁ, ଏପିସିୟତା ମାନି ମାହାପୁରୁ ଲକୁ ଇଞ୍ଜା କ୍ରୀସ୍ତ ଜୀସ୍ତୁ ତାଣା ନାମୁତା ମାନି ଲକୁତାକି ଇ ଆକୁ ରାଟିମାଇଁ □

୨ ମା. ଆବା ମାହାପୁରୁ ଇଞ୍ଜା ପ୍ରୁ ଜୀସ୍ତୁ କ୍ରୀସ୍ତ ତାଣାଟି କାର୍ମାମେହ୍ନାୟି ଅଡେ ହିଡ଼ି ଜୀସ୍ତୁ ମିଲୋତାକି ଆୟାପେ □

### ସୁଦୁଜୀଞ୍ଜୁତି ବର ପାଣ୍ଡନାୟି

୩ ମା. ପ୍ରୁ ଜୀସ୍ତୁ କ୍ରୀସ୍ତୁତି ମାହାପୁରୁ ଅଡେ ଆବାଇଁ ଜହରା ଆପେ □ ଏଞ୍ଜାସି କ୍ରୀସ୍ତ ତାଣା ମାଜେ ବାରେ ଜୀଞ୍ଜୁତି ବର ତଲେ ଲାକପୁରୁ ବର ହୀହାମାଞ୍ଜାନେସି □

୪ ମାର ଏନିକ୍ ମାହାପୁରୁ ନକିତା ସୁଦୁ ଅଡେ ଦହ ହିଲଆଗାଗାତାୟି ଆନାୟି ଏଦାଆଁତାକି ଏଞ୍ଜାସି ଦାରତି ଗାଡ଼ି ଆଆ ନକେଏ ତାନି ତାଣା ମାଜେ ଆବାମାଞ୍ଜାତେସି □

୫ ଅଡେ ଏଞ୍ଜାସି ମାଜେ କ୍ରୀସ୍ତ ଜୀସ୍ତୁ ତାଣାଟି ତାଜେତାକି ମୀରକା ମାସକା କିୟାଲି ତାନୁଏ ତଲିଏ ତୀରି କିଡେସି; ଇଦି ଏଞ୍ଜାଣି ରାହାଁ ଅଡେ ଅଶ୍ୱପୁ □

୬ ମାହାପୁରୁତି କାର୍ମାମେହ୍ନାଣି ତାକି ଇଞ୍ଜା ତାନି ମୀରଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି □

୭ ✳କ୍ରୀସ୍ତ ହାଡ଼ି ତାଣାଟି ମାର ଗେଲ୍ପି ଆହାମାନାୟି, ଇଡିହ୍ ମା. ବାରେ ପାପୁ ମେଣ୍ଡାମାନେ, ମାହାପୁରୁତି କାର୍ମା ଏଚେକା କାଜାୟି □

୮ ଏଞ୍ଜାସି ଏ କାର୍ମାମେହ୍ନାଣି ବାରେ ବୁଦି ଅଡେ ଅଶ୍ୱପୁ ମାଜେ ହାରେକା ହୀହାମାଞ୍ଜାନେସି □

୯ ନକେଏ ଅଣ୍ଠାପାନି ତାନି କାର୍ମାତଲେ ଏଞ୍ଜାସି ମାଙ୍ଗେ ତାନି ଅଣ୍ଠପୁ ତଲେ ଡଗୁମାନି ଅଣ୍ଠପୁତି ତସାମାଞ୍ଜାନେସି □

୧୦ ଏନିକି କାଲୀତି ତାନି ଅଣ୍ଠପୁ ତଲେ ଲାକପୁରୁ କି ଦାରତିତା ମାନାଣି ବାରେ ଏଞ୍ଜାସି ତାଙ୍ଗେତାକି କ୍ରୀସୁ ତାଣା ରଣ୍ଡେଏ କିନେସି □

୧୧ ମାରୁ ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇତିହି ଏମିନି ମାହାପୁରୁ ତାନି ମନତି ଅଣ୍ଠପୁ ତଲେ ବାରେ କାତା ତୀରି କିନେସି, ଇଞ୍ଜା ଏଞ୍ଜାସି ତଲିଟିଏ ମନତା ତୀରି କିହାମାଚିଲେହେଁ ମାରୁ ନକେଏ ଆଡ଼ୁଞ୍ଜି ଆଡ଼ାୟି

୧୨ ମାରୁ ଏନିକି କ୍ରୀସୁ ତାଣା ନକେଏ ବାସୁଁ କିହା ମାଚାୟି, ମାରୁ ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନୁ □

୧୩ ଏଞ୍ଜାଣି ତାଣାଟି ମାରୁ ଜିକେଏ ସାତା ବଲୁ ଇତିହି ମିଙ୍ଗେ ଗେଲପାନି ନେହିଁ କାରୁ ଖେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଞ୍ଜୁ ତଲେ ବୁରୁ ମୁଦ୍ରା ଆହାମାଞ୍ଜେରି;

୧୪ ମାହାପୁରୁ ତାନି ଲକୁତାକି ଏନାଆଁ ହୀହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଞ୍ଜୁ ତାନି ବାୟିଦା ଲେହେଁ □ ମାହାପୁରୁ ତାନି ଲକୁତାକି ଗେଲପି ଆନାଣି ହୀନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ □

**ପାଞ୍ଜୁଲତି ପ୍ରାତାନା**

୧୫ ଇଦାଆଁତାକି, ପ୍ରୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକୁତାକି ଜୀଞ୍ଜୁନନାୟି ମାନେ,

୧୬ ଏ କାତା ଖେଞ୍ଜାନା ମିଙ୍ଗେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ □

୧୭ ମା ପ୍ରୁ ଜୀସୁ କ୍ରୀସୁତି ମାହାପୁରୁ, ଗାଞ୍ଜୁରମିଗାଟି ଆଡ଼ା, ଏଞ୍ଜାସି ମିଙ୍ଗେ ସୁଦୁଜୀଞ୍ଜୁତି ହିୟାନେସି ଏ ଜୀଞ୍ଜୁ ମିଙ୍ଗେ ବୁଦି ହିୟାନେ, ଅଡ଼େ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହିଁ ମୀରୁ ଏଞ୍ଜାଣାଇଁ ପୁଞ୍ଜେରି □

୧୮ ଏମ୍ପାଟିଏ ମୀ ହିୟାଁତି କାଣ୍ଡା ଦେପି ଆଡ଼ିସାରେ, ତାନୁ ହାଟାମାଞ୍ଜାନି ବାସୁଁ ଏନାୟି, ମାହାପୁରୁ ଲକୁତାଣା ତାନି ଅଦିକାରାତି ଗାଞ୍ଜୁରମିଗାଟି ଦନ ଏନାୟି,

୧୯ ତାନି ଲକ୍ଷ୍ମୀତାକି ତାନି ଆଞ୍ଜାମାନାୟି ହାରେକା କାଜା ବର ଅଡ଼େ ନାମିମାନାତାୟି ମାର୍, ତାନି ବାଡ଼ମୁତି କାମା କିନାତାୟି, ଇଞ୍ଜା ମାଙ୍ଗେତାକି ତାନି ବାଡ଼ମୁ ଏଚେକା କାଜାୟି ଇ ବାରେ ପୁଞ୍ଜାଲି ଆଡ଼ିଦେରି;

୨୦ ଏ ବାଡ଼ମୁ କ୍ରୀସ୍ତ ତାଣା ତସାନା ଏଞ୍ଜାଣାଇଁ ହାଡ଼ାରି ତାଣାଟି ନିକ୍ହାନା ଲାକପୁରୁ ତାନି ଚିଃନି ଟଟତା କୁରି କିହାମାନେସି □

୨୧ କ୍ରୀସ୍ତ ଲାକପୁରୁ ବାରେ ସାଲୁଞ୍ଜି କିନାସି, କାଜାପାଣା, ବାଡ଼ମୁ, ମୁସ୍ତାଦାରିୟା ଲାକ ସାଲୁଞ୍ଜି କିନାସି, ଇ ଜୁଗୁତା ଅଡ଼େ ଏ ଜୁଗୁତା ଏଚେକା ଦରକା ଝେଙ୍ଗା ମାନୁ, ଏ ବାରେତି ମୁହେଁ ଏଞ୍ଜାଣି ପାଣା କାଜାୟି □

୨୨ ☆ମାହାପୁରୁ ବାରେ କ୍ରୀସ୍ତୁତି କଡ଼ାୟା ତୁଇ ଇଚିତେସି, ଇଞ୍ଜା ଏଞ୍ଜାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେରପା ମାନେସି □

୨୩ ଏ କୁଲମିକା କ୍ରୀସ୍ତୁତି ଆଙ୍ଗା ଲେହେଁ, ଇଚିହୁଁ ଆମ୍ବାଆସି ବାରେ କାମାତି ବାରେ ତାଣା ପୁରା କିନେସି □

## ୨

### ହାକିଟି ଜୀଝୁ ପାଣ୍ଡନାୟି

୧ ମୀ ଦହ ଅଡ଼େ ପାପୁ ତାକି ତଲି ଜୀଝୁତା ହାହାମାରେରି,

୨ ଇଚିହୁଁ ଏମିନି ଜୀଝୁ ନୀର୍ବି ଜିକେଏ କାତା ମାନୁଞ୍ଜି ଆଆଗାଟି ମୀରକା ତାଣା ଅଦିକାରା କିହାମାନେ, ଏ ଦାର୍ତତିତି ମନତଲେ ମୀରୁ ଜିକେଏ ତଲି କାଲା ଏ ଜିରୁତା ତାକିହୁଁ ଦହ କିହାନା ପାପୁତାକି ହାହାମାରେରି □

୩ ଏ କାତା ମାନୁଞ୍ଜି ଆଆଗାଟି ମୀରକା ତଲେ ମାର ବାରେ ଏ ବେଲାତା ମା ଆଙ୍ଗାତି ମାଣ୍ଡକି ତଲେ ନୀତାନା ଆଙ୍ଗା ଅଡ଼େ ମନତି କାମା କିହିମାଚାୟି, ଇଞ୍ଜା ଏଚକାତାରି ଲେହେଁ ମାର ଜିକେଏ ମାହାପୁରୁ କପାତି ଲକ୍ଷ୍ମୀ ମାଚାୟି □

୪ ସାମା ମାହାପୁରୁ ହାରେକା କାର୍ମା ମେହନାସି; ଏଞ୍ଜାସି ମାଙ୍ଗେ ହାରେକା ଜୀଝୁ ନଝୁତା ଜୀଝୁ ନୟାତେସି,

୫ ଏଚେତା ମାର ପାପୁ ତାକି ହାହା ମାଚାୟି, ଇଞ୍ଜା ମାଙ୍ଗେ କ୍ରୀସ୍ତ ଜୀସୁ ତଲେ ନିକହାତେସି, ଅଡ଼େ ମାହାପୁରୁତି କାର୍ମାଟି ମୀରୁ ଗେଲ୍‌ପି ଆହାମାଞ୍ଜେରି □

୬ ଇଞ୍ଜା ତାନି ତଲେ ମାଙ୍ଗେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁଗି କିହାମାଞ୍ଜାନେସି □

୭ କ୍ରୀସ୍ତ ଜୀସୁ ତାଣା ମାଙ୍ଗେତାକି ଜୀଝୁନହ୍ନାନା ଝାହିମାନି ଜୁଗୁତା ତାନି କାର୍ମାଟି ହାରେକା ଦନ୍ ତସାଲି ମାହାପୁରୁ ଇଦାଆଁ କିତେସି □

୮ ଏନାଆଁତାକି ଇଚିହ୍ନି ମୀରୁ ନାମିତାକି ମାହାପୁରୁତି କାର୍ମାଟି ଗେଲ୍‌ପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା,

୯ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବତପଣା କିଆପେସି □

୧୦ ଇଚିହ୍ନି ମୀରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହ୍ନି କାମା କିଇ ଇଞ୍ଜି ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଝି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ □

### କ୍ରୀସ୍ତ ତାଣା ରଣ୍ଡିଏ ଆନାୟି

୧୧ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାଚେରି ଅଡ଼େ ଆଙ୍ଗାଟି ଅଣପୁତା କେୟୁତଲେ ତଲୁ ଦାପି ଆଡ଼ି ଲକୁ ତାଣାଟି ତଲୁ ଦାପି ଆଆତାରି ଇଞ୍ଜି ଝେଙ୍ଗିମାଚେରି □

୧୨ ଏଚିବେଲା ମୀରୁ କ୍ରୀସ୍ତ ତାଣାଟି ହେକ ମାଚେରି, ମୀରୁ ଏଚକା ଦେସାତାଚେରି ମାଚେରି, ଅଡ଼େ ମାହାପୁରୁତି ଆଡ଼ିତି ଇସ୍ରାୟେଲ କୁଡାତା ଆଣ୍ଡାହିଲାଆଚେରି, ମାହାପୁରୁ ତାନି ଲକୁତାକି କିହାମାନି ରାଜିମାନାତା ମୀ ଏନ୍ନି ବାଗା ହିଲାଆତେ, ମାହାପୁରୁ ଅଡ଼େ ବାସୁଁ ହିଲାଆ ଲକୁ ଲେହେଁ ଦାର୍ତତିତା ବାସା କିହାମାଚେରି □

୧୩ ନକେଏ ମୀରୁ ହେକ ମାଚେରି, ସାମା ନୀଏଁ ମୀରୁ କ୍ରୀସ୍ତ ଜୀସୁ ତାଣାଟି ତାନି ନେଚେରି ତଲେ ତାଗେ ଆହାମାଞ୍ଜେରି □

୧୪ ଏନାଆଁତାକି ଇଚିହ୍ନି ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାତିନି କାତିତି ଡିକହାନା ବାରେତି କାଲହା ମାନେସି,

୧୫ ✨ଜୀହ୍ୱାଦି ଲକ୍ଷ୍ମି ପାଶାପାରୁ ହୁକୁମିତି ମୋରାତି ତାନି ଆଙ୍ଗାଟି ହେକ କିହାମାନେସି, ଏନିକ୍ ଏଞ୍ଜାସି ହିତ୍ତି ହାହାନା ଜୀହ୍ୱାଦି ଅଡ଼େ ଜୀହ୍ୱାଦିଆଆତି କୃତାତାରାକ୍ ତାନି ତାଣା ର ପୁଃନି ଲକ୍ଷ୍ମିଲେହେଁ ଗାଡ଼ି କିନେସି □

୧୬ ✨ଅଡ଼େ କୁସତା ହାହାନା ଜୀହ୍ୱାଦି ଅଡ଼େ ଜୀହ୍ୱାଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାକ୍ ରଣ୍ଡିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି □

୧୭ ଅଡ଼େ ହେକ ମାଟି ଜୀହ୍ୱାଦିଆଆତି ଲକ୍ଷ୍ମି ଅଡ଼େ ତାନି ତାଗେ ମାନି ଜୀହ୍ୱାଦି ଲକ୍ଷ୍ମି ଇ ରିଆରି ତାଣା ଏଞ୍ଜାସି ଖାହାନା ହିତ୍ତିତି ନେହ୍ କାରୁ ଝେକ୍‌ହେସି;

୧୮ ଏନାଆଁତାକି ଇଚିହ୍ କ୍ରୀସ୍ତି ତାକି ବାରେ ଜୀହ୍ୱାଦିୟାଁ ଅଡ଼େ ଜୀହ୍ୱାଦିଆଆତି ଲକ୍ଷ୍ମି ରଣ୍ଡିଏ ସୁଦୁଜୀଝୁଟି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି □

୧୯ ଏଦାଆଁତାକି ମୀରୁ ଏଚ୍‌କା ଦେସାତାତେରି ଇ ଦେସାତାତେରି ଆଏ, ସାମା ମାହାପୁରୁ ଲକ୍ଷ୍ମିତଲେ ଆଣ୍ଡାନା ଏଞ୍ଜାରି ଦେସାତି ଲକ୍ଷ୍ମି ଅଡ଼େ ମାହାପୁରୁ ଇଲୁ କୁଚମିତେରି □

୨୦ ମୀରୁ ପାଣ୍ଡି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲୁ ଝେହ୍‌ନାରି ଇଟାମାନି ପୁନାଦି ମୁହେଁ ଇଚ୍‌କି ଆହାମାଞ୍ଜେରି, କ୍ରୀସ୍ତି ଜୀସୁ ତାନୁଏ, ଏ କନତି ମୁଲୁ ଖାଲି □

୨୧ ଏଞ୍ଜାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରୁ ତାଣା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ □

୨୨ ଏଞ୍ଜାଣି ତାଣା ମୀରୁ ଜିକେଏ ମା ତଲେ ଆଣ୍ଡାନା ସୁଦୁଜୀଝୁଟି ମାହାପୁରୁ ବାସାଆନ୍ତି ଇଲୁ ଲେହେଁ ଦସ୍‌ପି ଆହାମାଞ୍ଜେରି □

## ୩

ଏଚ୍‌କା ଲକ୍ଷ୍ମିତାଣା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକୁତାକି କ୍ରୀସୁ ଜୀସୁ ତାକି ଦସ୍ପି ଆହାମାନି ପାଞ୍ଚୁଲତେଏଁ □

୨ ମିଲୋତାକି ନାଲୋ ହାହାମାଞ୍ଜାନି ମାହାପୁରୁତି କାର୍ମାତି ସେବାକିନି କାମାତି କାତା ମୀରୁ ଖେଞ୍ଜାମାଞ୍ଜେରି,

୩ ଅଡେ ଡଗୁମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକି ନାନୁ ତଲି ଏ ବାରେ କାତା ଇଚାଣି ରାଚାମାଲ୍;

୪ ☆ମୀରୁ ଏଦାଆଁ ପଡ଼଼ି ଆହାନା କ୍ରୀସୁତି ଡଗୁମାନି କାତା ନାନୁ ଏନାଆଁ ତେଲହାମାଲ୍ ଏଦାଆଁ ମୀରୁ ତେଲହାଲି ଆଡ଼ିଦେରି,

୫ ତଲି କାଲୀତା ମାଣ୍ଡିୟା ତାଣା ତଞ୍ଜା ଆହାହିଲାଆତେ, ଏ ଡଗୁମାନାୟି ନୀଏଁ ସୁଦୁଜୀଞ୍ଜୁତି ତାନି ସୁଦୁତି ପାଣ୍ଡି ଆହାମାନାରି ଅଡେ ମାହାପୁରୁ ଅଣ୍ଡୁତି ବଲୁ ଖେହ୍ନାରି ତାଣା ଏନିକି ତଞ୍ଜା ଆହାମାନେ,

୬ ଏ ଡଗୁମାନି କାତା ଇଦି ନେହ୍ କାରୁ ତାଣାଟି ଜୀହୁଦିୟା ମାହାପୁରୁତି ବର ବେଟାଆନି ଲେହେଁ, ଏଟକା କୁଡ଼ାତାରି ଜିକେଏ ବାରେଜାଣା ଆଣ୍ଡାନା ର ଆଙ୍ଗା ଲେହେଁ ଆହାନା କ୍ରୀସୁ ଜୀସୁ ତାଣାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି □

୭ ମାହାପୁରୁତି କାମା କିନି ବାଡ଼଼ୟୁ ତଲେ ନାଲୋ ଏମିନି କାର୍ମାତି ଦାନା ହାହାମାଞ୍ଜାନେସି ଏଦାଆଁତାକି ଏ ନେହ୍ କାରୁତି ଖେକ୍ନାତେଏଁ ଆହାମାଲ୍ □

୮ ମାହାପୁରୁ ଲକୁ ବିତ୍ରାଟି ନାନୁ ବାରେତି କିହାଁ ଉଣାତେଏଁ ମାଟି ଜିକେଏ ଏଟକା କୁଡ଼ାତି ଲକୁତାଣା ଏଜିକିହାଲି ଆଡ଼ାଆଗାଟି କ୍ରୀସୁତି କାର୍ମାତି ନେହ୍ କାରୁ ଖେକ୍ନାଲି ମାହାପୁରୁ ପାରୁ ହାହାମାଞ୍ଜାନେସି,

୯ ଅଡେ ବାରେ ଗାଡ଼ିକିତି ମାହାପୁରୁ ତାଣା ତଲି କାଲୀତିଏ ଡଗୁମାନି କାତାତାକି ଏଞ୍ଜାଣି ଅଣ୍ଡୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମେଡ଼ା ଆହାମାଞ୍ଜାନେ,

୧୦ ଏନିକିହ୍ ନୀଏଁ କ୍ରୀସୁନା କୁଲମିତି କାମାଟି ଲାକପୁରୁତି ସାଲ୍ଡି କିନାରି ବାଡ଼଼ୟୁ ଗାଟି ମାହାପୁରୁତି ବୁଦି ନେହ୍ କି ପୁଞ୍ଜାଲି

ଆଡ଼ିନେରି,

୧୧ ମାହାପୁରୁ ତାନି କାଲାକାଲାତି ଅଣ୍ଠପୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ କିହାମାନେସି □

୧୨ ଏ ପ୍ରବୁ ତାଣା ନାମାମାନାକି ମାର ଏଞ୍ଜାଣି ତାଣା ସାସାଟି ଆଜାଆନା ମାହାପୁରୁ ତାଣା ହାଜାଲି ସାସା ବେଟାଆହାମାନାନ୍ତି □

୧୩ ଏଦାଆଁତାକି ନାନୁ ମିଙ୍ଗେ ବାଡ଼ିମାଲିମାଞ୍ଜାଇଁ, ମିଙ୍ଗେତାକି ନାନୁ ବେଟାଆହିମାନି ଦୁକୁ କସ୍ତ ତାକି ସାସା ପିହ୍‌ଆଦୁ, ସାତେଏ ଏଡ଼ି ମୀ ଗାଝୁରମି ତାକି ଆହାମାନେ □

### କ୍ରୀସ୍ତ ଜୀଝୁନନାନ୍ତି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡ଼େ ଦାର୍ତତିତି ବାରେ କୁଟମି, ତାନି କୁଡ଼ାତି ଦରୁ ବେଟାଆହାମାନେ,

୧୫ ଏ ମାହାପୁରୁ ଆବା ନକିତା ମେଣ୍ଡାକୁତାନା ପ୍ରାତାନା କିହିମାଇଁ □

୧୬ ଏନିକିଁ ଏଞ୍ଜାସି ତାନି ଗାଝୁରମିଗାଟି ଦନ ତାନି ସୁଦୁଜୀଝୁ ତଲେ ମିଙ୍ଗେ ମୀ ଅଣ୍ଠପୁତା ତୀରି ମାଣ୍ଠସି ଆହାଲି ବାଡ଼ୁରୁ ହିୟାନେସି,

୧୭ ମୀ ନାମୁତଲେ କ୍ରୀସ୍ତ ମୀ ହିୟାଁତା ବାସା କିନେସି, ଏନିକିଁ ମୀ ଜୀଝୁ ନଝୁତା ପୁନାଦି ଅଡ଼େ ଆଟ୍‌ଞ୍ଜା ତଲେ ତୀରିଆହାନା ଏଜିକିହାଲି ଆଡ଼ାଆଗାଟି କ୍ରୀସ୍ତ ଜୀଝୁ ନଝୁ,

୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍ବାତି ଅସାରା ଅଡ଼େ ଲାମ୍ବା ପାଡ଼ଣି ଅଡ଼େ ଗାଡ଼ୁରୁତି ପୁଞ୍ଜାଲି ବାଡ଼ୁରୁ ବେଟାଆଡ଼ି □

୧୯ ହାଅ ମୀରୁ ଏନିକିଁ କ୍ରୀସ୍ତ ଜୀଝୁ ନନାଣି ପୁଞ୍ଜେରି ଆତିହିଁ ଜିକେଏ ଏଦାଆଁ ନେହିଁକିଁ ପୁଞ୍ଜାଲି ଆଏ, ଅଡ଼େ ଏଲେକିହିଁ ମାହାପୁରୁତି ଗୁଣୁତଲେ ପାଡ଼ାଆଦୁ □

୨୦ ଆମିନି ମାହାପୁରୁ ମା ହିୟାଁତା କାମା କିହିମାନି ତାନି ବାଡ଼ୁରୁ ତଲେ ମାର ରାହନାଣି ଅଡ଼େ ଅଣ୍ଠପିନାଣି କିହିଁ ହାରେକା ଆଗାଡ଼ା ହିୟାଲି ଆଡ଼ାନେସି,

୨୧ କୁଲମିଟି ଅଡ଼େ କ୍ରୀସ୍ତ ଜୀସୁ ତାଣାଟି ଏ ମାହାପୁରୁତି ଗାଝୁରମି କାଲାକାଲାତାକି ମାଣ୍ଠମେ □ ଆମେନ୍ □



## ୪

## ରଣିଏ ଆଜ୍ଞା

୧ ପ୍ରବୃତ୍ତି ସେବାତାକି ନାନୁ କାୟିଦିତା ମାଇଁ, ମିଙ୍ଗେ ବାତିମାଲିମାଞ୍ଜାଇଁ, ଏନିକ୍ ନୀତାବାତ୍‌କାଲି ତାକି ମାହାପୁରୁ ମିଙ୍ଗେ ହାଟାମାଞ୍ଜାନେସି, ଏଲେତି ମାଣ୍ଡକି ତଲେ ମାଞ୍ଜୁ □

୨ \*ଇଚିହ୍ ବାରେଲେହେତି ଉଣା ଗାଟାତେରି, ସୁଦୁ ସୁଝାଲା, ହାରେକା ଅରୁହିନାତେରି ଅଡ଼େ ଜୀଝୁନହ୍‌ନା ରଅତେରି ରଅଣାଇଁ ଅରୁହିନାତେରି ଆଦୁ;

୩ ମୀରୁ ବାରେଜାଣା ତେରି ହିଡ଼ଡ଼ିତି ତ:ରିତଲେ ଦସ୍‌ପି ଆହାନା ସୁଦୁଜୀଝୁ ବାଡ଼ୁଚି ରଣିଏ ଲେହେଁ ଆହାଲିତାକି ଜାଡ଼ୁ ଆଦୁ □

୪ ଆଜ୍ଞା ରଣିଏ, ସୁଦୁଜୀଝୁ ଜିକେଏ ରଣିଏ, ଏନିକ୍ ମୀରୁ ମୀ ହାଟାମାନି ରଣିଏ ବାସ୍ତି ତଲେ ହାଟ୍‌କି ଆହାମାଞ୍ଜେରି;

୫ ପ୍ରବୁ ରଅସିଏ, ନାମୁ ରଣିଏ ଅଡ଼େ ବାପ୍ତିସ୍ତ\* ଜିକେଏ ରଣିଏ,

୬ ବାରେ ମାଣ୍ଡସିୟାତି ରଣିଏ ମାହାପୁରୁ ଅଡ଼େ ତାଞ୍ଜି; ଏଝାସି ବାରେତି ମୁହେଁ, ବାରେତି ବିତ୍ରା ଇଞ୍ଜା ବାରେତି ହିୟାତା ମାନେସି □

୭ ସାମା କ୍ରୀସ୍ତି ଦାନା ଏରେକା ବେଟାଆନାୟି ମାନେ ଏରେକା ମାଙ୍ଗେ ବାରେଜାଣା ତାକି ମାହାପୁରୁତି କାର୍ମାମେହ୍‌ନାୟି ହୀପ୍‌କି ଆହାମାଞ୍ଜାନେ □

୮ ଦାମ୍‌ ସାସ୍‌ସ୍‌ରିତା ରାସ୍‌କି ଆହାମାନେ,

“ଏଝାସି ଲାକ ହାଜାନା, ହାରେକା ଦସ୍‌ପି ଆହାମାନାରାଇଁ ତାନିତଲେ ଅତେସି;

ଅଡ଼େ ମାଣ୍ଡସିୟାକି ଏଟ୍‌କା ଏଟ୍‌କାତି ବର ହୀତେସି □”

୯ “ଏଝାସି ଲାକ ହାରେସି” ଇଚିସାରେ ଏନାୟି ? ଏଲେଇଚିସାରେ ମୁଲୁଏ ଏଝାସି ଦାର୍‌ତିତି ତ୍ତଇ ପାତେକା ରେଟା ଝାହାମାରେସି □

୧୦ ଆମ୍ବାଆସି ତ୍ତଇପୁରୁ ଝାହାମାରେସି, ବାରେ ଦାର୍‌ତିକ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡ଼େ ଝେଣ୍ଡେ ଲାକପୁରୁ ହାରେସି,

☆ ୪:୨ ୪:୨ କଲସି ୩:୧୨, ୧୩

\* ୪:୫ ୪:୫ ମୁଞ୍ଜନାୟି

୧୧ ଏଞ୍ଜିସି ଲକ୍ଷ୍ମୀତାକି ହାରେକା ଦାନା ହୀତେସି; ଆମ୍ବାଆରାଇଁ ପାଣ୍ଡୁଞ୍ଜି ଆଡ଼ାରି ଆହାଲି, ଆମ୍ବାଆରାଇଁ ମାହାପୁରୁ ଅଣ୍ଡପୁତି ବଲୁ ଝେକ୍ନାରି ଆହାଲି, ଆମ୍ବାଆରାଇଁ ନେହଁ କାରୁ ଝେକ୍ନାରି ଆହାଲି, ଅଡ଼େ ଏତର ଜାଣାଇଁ କୁଲମି ଜାଡ଼ନୁ କିନାରି ଅଡ଼େ ଜାପ୍ନାରି ଆହାଲି ଦାନା ହାହାମାନେସି,

୧୨ ଏନିକଁ ମାହାପୁରୁ ଲକ୍ଷ୍ମୀତାକି ସେବା କାମାତାକି ତୀରି ଆହାଲି ଆଡ଼ିନେ ଇଞ୍ଜା କ୍ରୀସ୍ତତି ଆଜ୍ଞା ପାତାଆହାଲି ଆଡ଼ିନେ

୧୩ ଏନିକଁ ମାର ବାରେଜାଣା ନାମୁତା ଅଡ଼େ ମାହାପୁରୁତି ମୀରଏଣା କାତାତି ବୁଦିତା ରଣ୍ଡିଏ ଆହାଲି ଆଡ଼ିନାୟି, ଇଚିହଁ କ୍ରୀସ୍ତ ଲେହେଁ ଆହାନା ପାତାଆଡ଼ି ଲକ୍ଷ୍ମୀ ଲେହେଁ ଆନାୟି,

୧୪ ଗାଲି ଖାନାଟି ଅଡ଼େ ଏୟୁ ଉଣ୍ଡାତା ଦାଜ୍ଞାମାନି କକାରି ପଦାୟି ଲେହେଁ ମାର ଇତାଲା ଆତାଲା ଆଆପ □ ଏଟକା ଲକ୍ଷ୍ମୀ ଜିରୁ ବାଣି କିହିମାନି ନାଡ଼ିକିନି ଅଣ୍ଡପୁତି ଜାପ୍ନି ତାଣା ମାର ତରଗାଆପ □

୧୫ ସାମା ସାତାତି ଆସାନା ତାୟି ଲେହେଁତି କ୍ରୀସ୍ତ ଏଞ୍ଜାଣି ତାକି ବାରେ ଜୀଞ୍ଜୁ ନଞ୍ଜୁତା ପାତାଆନ □

୧୬ ☆ଏଞ୍ଜାଣି ତାଣାଟି ବାରେ ଆଜ୍ଞା ବାରେ ହାୟୁଲିକା ସାୟେମି ତଲେ ଅଡ଼େ ବାରେ ଆଜ୍ଞାତି କାମା କିନି ବାଡ଼ୟୁ ତଲେ ଦୁରଞ୍ଜି ଆହାନା ଜୀଞ୍ଜୁ ନଞ୍ଜୁତା ତାମି ନେହେଁତାକି ଜାହାରାଇଁ ପାଡ଼ି କିହିମାନୁ □

### କ୍ରୀସ୍ତ ତାଣା ପୁଞ୍ଜି ଜୀଞ୍ଜୁ

୧୭ ପ୍ରବୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହଁ ଝେସିମାଞ୍ଜାଇଁ, ନାମାଆତାରି ଏନିକଁ ତାମି ମନତା ଉଜେଏତି ଅଣ୍ଡପୁ ତଲେ ନୀଡ଼ିନେରି ମୀରୁ ଏଲେକଁ ନୀତାଆଦୁ,

୧୮ ଏଞ୍ଜାରି ତାମି ତାଣା ମାନି ମୁକ୍ତି ତାକି ଜାହା ଜାହାରା ମନ ଆଟ୍ଞା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟକା ଆହାମାନେରି;

୧୯ ଏଞ୍ଜାରି ଆଟ୍ଞା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରପା କତାମାନେରି □

୨୦ ସାମା ମୀରୁ କ୍ରୀସ୍ତାଇଁ ଏଲେକିହଁ ଜାପାହିଲଅତେରି □

୨୧ ମୀରୁ ତାନି କାତା ସାତାତଲେ ୱେଞ୍ଜାମାଞ୍ଜେରି, ଅଡ଼େ ଜୀସୁ  
ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି,

୨୨ ☆ଇଚିହିଁ, ମୀରୁ ମୀ ନଡ଼େଏତି ମାଣ୍ଡକିତା ନାଡ଼ିକିନି ରାହାଁତା  
ହାରେ ହାରେକା ଲାଗେଏ ଆହିମାତେ □

୨୩ ମୀ ମନତା ପୁଃନି ଗୁଣୁ ଆହାନା □

୨୪ ☆ଏମିନି ପୁଃନି ଗୁଣୁ ମାହାପୁରୁତି ୱାଣା ତଲେ ଦାମ୍ବୁ  
ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି  
ଜାପାମାଞ୍ଜେରି □

୨୫ ଈଦାଆଁତାକି ମିଚିତି ପିସାନା ମୀରୁ ବାରେକାଣା ତେରି ନାମିତି  
ତାୟିୟାଁ ତଲେ ସାତା କାତା ୱେସ୍ପି ଆଦୁ, ଇଚିହିଁ ମାର ରଣ୍ଡିଏ  
ଆଜାତାୟି □

୨୬ କାର୍ବି ଆଦୁ, ସାମା ପାପୁ କିଆଦୁ; ୱେଡ଼ା ହାଲାଆ ନଡ଼େଏ  
କାର୍ବି ପିହିଦୁ;

୨୭ ଅଡ଼େ ସୟତାନକି ଚାୟୁ ହାଆଦୁ □

୨୮ ସରୁ ଅଡ଼େ ସରୁ କିଆପେସି, ଇଚିହିଁ ହିଲାଆ ଗାଟାରାକି  
ହାହାଲିତାକି ଏନିକିହିଁ ତାନି ତାଣା ଏନାୟି ଡ଼ୟିନେ, ଈଦାଆଁତାକି  
ତାନି କେୟୁତଲେ ନେହିଁ କାମା କିହାନା କସ୍ତ କପେସି □

୨୯ ମୀ ଗୁଡ଼ିଚି ଏନି ଲାଗେଏତି କାତା ହଆପେ, ମୀ ଲଡ଼ାମାନି  
ଲେହେଁ ନେହିଁ କାତା ହଡ଼େ ଏନିକିହିଁ ଏଡ଼ି ୱେନାରାକି ନେହାୟି  
ଆନେ □

୩୦ ମାହାପୁରୁତି ସୁଦୁଜୀଞ୍ଜୁ ତଲେ ମିଙ୍ଗେ ଗେଲପିନି ଦିନାତାକି ବୁଟୁ  
ମୁଦା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ □

୩୧ ବାରେଲେହେଁତି କୁଟୁ ଅଣ୍ଡୁ, କାର୍ବି, କପା, ଗଡ଼ହା ଅଡ଼େ  
ନିୟା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ  
ଆଡ଼େ □

୩୨ ☆ଅଡ଼େ, ରଅତେରି ରଅଣାଜ୍ କାର୍ମା ଅଣ୍ଡାଦୁ, ହିଡ଼ି ହିୟାଁ,  
ଅଡ଼େ ମାହାପୁରୁ ଜୀସୁ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି,  
ଏଲେକିହିଁ ରଅତେରି ରଅଣି ଦହ ପିହିଦୁ □



### ଉଦ୍ଦେଶ୍ୟ ନୀତିନାୟି

<sup>୧</sup> ମୀରୁ ମାହାପୁରୁତି ଜୀଞ୍ଜୁତି ମୀରକା ମାୟକାତେରି ଆହାମାନାକି, ମାହାପୁରୁ ଲେହେ ଆଦୁ;

<sup>୨</sup> କ୍ରୀସ୍ତ ଏନିକି ମିଙ୍ଗେ ଜୀଞ୍ଜୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଧାଗାଟି ନେହ ପୂଜାଲେହେ ଜାହାରାଈ ହେରପାକତିତେସି, ମୀ ଜୀଞ୍ଜୁତା ଜିକେଏ ଏଲେକିହ ଜୀଞ୍ଜୁ ନଞ୍ଜିଆହାନା ନୀତାଦୁ □

<sup>୩</sup> ସାମା ଦାରିକାମା, ବାରେଲେହେତି ଲାଗେଏତି କାମା କି ଜୁପକା, ଈ ବାରେ ମୀ ତାଣା ଚାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ;

<sup>୪</sup> ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଈ ଜହରା କିଦୁ □

<sup>୫</sup> ଇତିହ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣ୍ଡାକା ବମାୟାତି ପୂଜା କିନାସି, ଏଲେତି ଲକୁକି କ୍ରୀସ୍ତ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ □

<sup>୬</sup> ଆମ୍ବାଆସି ମିଙ୍ଗେ ଉଦ୍ଦେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇତିହ ଈ ବାରେ ଲାଗେଏତି କାମାତାକି କାତା ମାନଞ୍ଜି ଆଆଗାଟି ମୀରକା ମୁହେଁ ମାହାପୁରୁତି କାରବି ଝାନେ □

<sup>୭</sup> ଈଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;

<sup>୮</sup> ଏନାଆଁତାକି ଇତିହ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପ୍ରବୁତି ଲକୁ ଆତାକି ଉଦ୍ଦେତି ଲେହେଁ ଆହାମାଞ୍ଜେରି; ଉଦ୍ଦେତିତି ମୀରକା ଲେହେଁ ତାକାଦୁ,

<sup>୯</sup> ଇତିହ ବାରେଲେହେତି ନେହାୟି, ଦାର୍ମୁଗାଟାୟି ଅଡ଼େ ସାତା ଉଦ୍ଦେତିତି ପାଡ଼େୟି ଲେହେଁ,

<sup>୧୦</sup> ପ୍ରବୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ;

୧୧ ଲକ୍ଷ୍ମୀ ଆନ୍ଦୋରିତା ଆମିନି ବାରେ ଲାଗେଏତି କାମା  
କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ  
କାମାତି ଦହ୍ ତହ୍ଦୁ □

୧୨ ଏନାଆଁତାକି ଇଚିହିଁ ଏଞ୍ଜାରି ଏନାଆଁ ଡ଼ଗୁନା କିନେରି, ଏ  
ବାରେ କାତା ଖେହ୍ନାୟି ଜିକେଏ ଲାଜାତି କାତା,

୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନେ,  
ଏନାୟି ବାରେ ତଞ୍ଜାଆନେ ଏଡ଼ି ବାରେ ଉଜେଡ଼ି □

୧୪ ଏନାଆଁତାକି ରାସ୍ତକି ଆହାମାନେ,  
“ଇଦା କିହାମାନାତେରି, ନିଙ୍ଗାଦୁ,

ହାଡ଼ାରି ତାଣ୍ଡାଟି ନିଙ୍ଗାଦୁ,  
ଅଡ଼େ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି □”

୧୫ ଇଚିହିଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି  
ଲେହେଁ ମୀ ନୀତିନାଣି ତାକି ଜାଗ୍ରାତା ଆଦୁ, ବୁଦି ହିଲାଆଗାଟାତେରି  
ଲେହେଁ ଆଆନା ବୁଦି ଗାଟାତେରି ଲେହେଁ ଆଦୁ □

୧୬ ☆ ପାଗାତି ନେହିଁ କିଁ ଲେମ୍ବାଦୁ, ଏନାଆଁତାକି ଇଚିହିଁ  
କାଲା ଲାଗେଏତାୟି □

୧୭ ଏନାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି  
ଅଶ୍ପୁ ଏନାୟି ଏନାଆଁ ତେଲହାଦୁ □

୧୮ ଅଡ଼େ କାଡ଼ୁ ଗସାନା ହଟାଆଦୁ, ଏନାଆଁତାକି ଇଚିହିଁ ଏଡ଼ି  
ମିଙ୍ଗେ ନାସା କିୟାନୁ; ସାମା ପାରୁ, ସୁଦୁଜୀଞ୍ଜୁଟି ଜହରା କିହିଁ  
ରଅତେରି ରଅଣାକ୍ ବାସ୍ତୁ ହାଦୁ,

୧୯ ☆ଅଡ଼େ ମୀ ହିୟା ମାହାପୁରୁ ତାକି ସୁଦୁଜୀଞ୍ଜୁ ତଲେ ଜହରା  
ପାରୁ ପାଡ଼ାଦୁ □

୨୦ ବାରେବେଲା ବାରେ କାତାତାକି ପ୍ରବୁ ଜୀସୁ କ୍ରୀସ୍ତତି ଦରୁତଲେ  
ଆବା ମାହାପୁରୁକ୍ ଜହରା କିଦୁ □

### ଡକ୍ରି ଅଡ଼େ ଡକ୍ରି

୨୧ ଅଡ଼େ କ୍ରୀସ୍ତକ୍ ଆଜାନା ରଅତେରି ରଅଣାକ୍ ମାନି କିଦୁ □

୨୨ ☆ଏ ଆୟାସିକା ମୀରୁ ଏନିକିଁ କ୍ରୀସ୍ତକ୍ ମାନି କିହିମାନି ଲେହେଁ

ମୀରୁ ମୀ ତକ୍ରାୟାଣି ମାନି କିପୁ,

୨୩ ଇଚିହଁ କ୍ରୀସ୍ତ ଏନିକଁ କୁଲମିତି ତାୟଁ ୁଲେହେଁ, ତକ୍ରା ଜିକେଏ ଏଲେକଁ ତକ୍ରିନି ତାୟଁ ୁଲେହେଁତାସି, ଇଞ୍ଜାଁ କ୍ରୀସ୍ତ ତାନି ଆଙ୍ଗା ଲେହେଁତି କୁଲମିତି ଗେଲପିନେସି □

୨୪ ହାଅ, କୁଲମି ଏନିକିହଁ କ୍ରୀସ୍ତାଇଁ ମାନି କିନେ, ଏଲେକିହଁ ତକ୍ରିସିକା ଜିକେଏ ବାରେ କାତାତା ତାନି ତକ୍ରାୟାଣି ମାନି କିପୁ □

୨୫ ☆ ତକ୍ରାୟାତେରି, କ୍ରୀସ୍ତ ଏନିକଁ କୁଲମିତି ଜୀଝୁ ନଡେସି, ମୀରୁ ଜିକେଏ ଏଲେକିହଁ ମୀ ତକ୍ରିସିକାଣି ଜୀଝୁନଦୁ; ଇଚିହଁ ଏଝାସି ଏଦାନାକି ତାନି ଜୀଝୁ ହାତେସି,

୨୬ ଏଝାସି କୁଲମିତି ବଲୁ ଅଡେ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେରପିତେସି,

୨୭ ଏନିକଁ କୁଲମି ଗାହାଁଗାରି, ଅଡେ ଦହ ହିଲାଆଗାଗାୟି ଆହାନା ସୁଦୁ ଗାଗାୟି ଆନେ, ଅଡେ ଏଲେକିହଁ ଏ ଗାଝୁରମି ତଲେ ମାହାପୁରୁ ତାନି ତାଣା ଅନେସି □

୨୮ ଏଲେକିହଁ ତକ୍ରାୟାଁ ଜିକେଏ ତାନି ତକ୍ରିସିକାଣି ଜାହାରା ଆଙ୍ଗା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ରିନି ଜୀଝୁ ନନେସି, ଏଝାସି ଜାହାରାଇଁ ଜୀଝୁ ନନେସି;

୨୯ ଆମ୍ବାଆସି ଜିକେଏ ଜାହାରା ଆଙ୍ଗାତି ନାନୁ ଅପଅଁ ଇଞ୍ଜଁ ଇନଅସି, ସାମା ତାନି ଆଙ୍ଗା ତାକି ତିନେସି ଉନେସି ଅଡେ ଜାବ୍‌ନୁ ଇତିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି,

୩୦ ଏନାଆଁତାକି ଇଚିହଁ ମାର ତାନି ଆଙ୍ଗାତି ଆଙ୍ଗା ଉଡେଲି ତାୟି □

୩୧ ଦାମ୍‌ପତିତା ରାସ୍‌କି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ରି ତାଣା ଆଣ୍ଡିନେସି, ଅଡେ ଏ ରିଆରି ରଣ୍ଡିଏ ଆଙ୍ଗା ଆନେରି □”

୩୨ ଇ ଦାମ୍‌ ସାସ୍‌ପେରିତା ରାସ୍‌କି ଆହାମାନି ତାଣା ହାରେକା ତରୁମାନି କାତା ମାନେ, ସାମା ନାନୁ କ୍ରୀସ୍ତ ଅଡେ କୁଲମିତି କାତା ଝେସିମାଞ୍ଜାଇଁ □

୩୩ ଏନାୟି ଆପେ, ମୀରୁ ବାରେଜାଣା ଜାହାରା ଡକ୍ରିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜା ଡକ୍ରି ଜିକେଏ ଜାହାରା ଡକ୍ରିଇଁ ମାନି କିନାୟିମାନେ □



ତାଲି ତାଞ୍ଜି ଅଡ଼େ କକାରି ପଦାଁ

୧ ✧ କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନଞ୍ଜି ଆଦୁ; ଇତିହୁଁ ଏଡ଼ି ମିଙ୍ଗେ ତାକି ନେହାୟି □

୨ “ମୀ ତାଲି ତାଞ୍ଜିଇଁ ମାନି କିଦୁ, ଇଡ଼ି ମାହାପୁରୁ ଆଞ୍ଜାମାନି ର କାଜା ହୁକୁମି,

୩ ଏନିକିହୁଁ ମିଙ୍ଗେ ନେହୁଁ ଆଡ଼େନ, ଇଞ୍ଜା ମୀରୁ ଦାର୍ଡିତା ହାରେକା ଦିନା ନୀଡ଼ିଦେରି □”

୪ ✧ ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଞ୍ଜାରାଇଁ ପ୍ରବୁତି କାତା ଜାପଦୁ ଅଡ଼େ ସେଡ଼ନା ତଲେ ପହିକିଦୁ □

ହଲିୟା ଅଡ଼େ ସାଝୁକାରି

୫ ✧ ଏ ହଲିୟାଙ୍ଗାତେରି, ମୀରୁ ଏନିକିଁ କ୍ରୀସ୍ତଇଁ ମାନଞ୍ଜି ଆହିମାଞ୍ଜେରି, ଏଲେକିହୁଁ ଆଜି ଅଡ଼େ ତୀରଗିହୁଁ ତୀରି ହିୟା ତଲେ ମୀ ଦାର୍ଡିତି ସାଝୁକାରିୟା କାତା ଆହୁଦୁ;

୬ ମାଣସିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟା ତଲେ ମାହାପୁରୁତି ଅଣ୍ଡୁ ତୀରିକିଦୁ □

୭ ଝାରଇ ମାଣସିୟାତି ସେବା କିହିମାନମି ଇଞ୍ଜୁଁ ଅଣ୍ଡପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ,

୮ ଇଦାଆଁ ପୁଞ୍ଜାନା, ଏଞ୍ଜାସି କଡ଼ିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକୁକି ଏଞ୍ଜାରି ନେହୁଁ କାମାତାକି ଏଞ୍ଜାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି □

୯ ☆ଏ ସାମ୍ରାଜ୍ୟରେ, ହଲିୟାଙ୍ଗାଣି ଲାଗେଏ ତଲେ  
ଲେମ୍ବାଆଦୁ କି ଏଞ୍ଜରାକ୍ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା  
ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଙ୍ଗାତେରି; ଏଞ୍ଜସି  
ବାରେଜାଣାତି ପାର୍ଡା ବାତି କିଆନା ବିଚାରା କିନେସି □

### ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା  
ଏଞ୍ଜାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ □

୧୧ ମୀରୁ ଏନିକ୍ ସୟତାନତି ବାରେ ପଲ୍ଲଆ କାମାଟି ଜାଣା  
ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି  
ଜୁତି ବାରେ ତୁରୁଦୁ □

୧୨ ଇତିହ୍ ମା. ଜୁଜୁ ଦାର୍ଡିତାରି କପାଟି ଆଏ, ସାମା  
ଲାକପୁରୁତି କାଜାପାଣା କପାଟି, ସାଲୁଞ୍ଜି କିନାରି କପାଟି ଇ  
ଆଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲଆ  
ଜାଞ୍ଜୁୟା କପାଟି ଜୁଜୁ କିହିମାନାୟି □

୧୩ ଏଦାଆଁତାକି ନୀଏ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି  
ତୁରୁଦୁ, ଆତିହ୍ ଲାଗେଏତି ବେଲାତା ମୀରୁ ସାତୁ ନକିତା ନିତାଲି  
ଆଡ଼ିଦେରି ଇଞ୍ଜା ରାନି ପାତେକା ଜୁଜୁକିହ୍ ତୀରିଆହାଁ ଡୟାଲି  
ଆଡ଼ିଦେରି □

୧୪ ଇତିହ୍, ସାତାତି ଜାଟି ଟେଡେଲିତା ରୁପାକତାହାଁ, ଦାମ୍ବୁତି  
ବକ ପାଟା ଲେହେଁ ତୁରୁଦୁ,

୧୫ ହିଡ଼ଡ଼ି ହାନି ନେହ୍ କାବୁତାକି ଅଜିକିଞ୍ଜି ଆହାମାନି ସେପୁୟା  
କତାଣା ତୁରହାନା ତାଟା ଆହାମାଞ୍ଜୁ;

୧୬ ବାରେବେଲା ନାମୁତି ଆତୁ ପାଟା ଆସାମାଞ୍ଜୁ, ଏଦାଣି ତଲେ  
ମୀରୁ ସୟତାନତି ବାରେ ଡାଞ୍ଜିମାନି ଆପକାତି ହିରୁ ବାରେ ତୁପହାଲି  
ଆଡ଼ିଦେରି □

୧୭ ଅଡ଼େ, ଗେଲ୍ପିନି ଟେପରି ତାୟୁତୁ ତୁରୁଦୁ ଅଡ଼େ  
ସୁଦୁଜାଞ୍ଜୁତି ହିୟାତି ମାହାପୁରୁତି ବଲୁତି କାଣ୍ଡା ଆହ୍ଦୁ;



୧୮ ବାରେଲେହେଁତି ପ୍ରାଡାନା ଅଡେ ବାଡିମାଲିନି ତାଣା ବାରେବେଲା ସୁଦୁଜୀଝୁ ସାଢେ଼ମି ତଲେ ପ୍ରାଡାନା କିଦୁ, ଇଞ୍ଜା ବାରେ ମାହାପୁରୁ ଲକ୍ଷ୍ମୀକି କାପୁ କାଡାନା ପ୍ରାଡାନା କିହେମାଞ୍ଜୁ □

୧୯ ଅଡେ, ନାଢେଡାକି ଜିକେଏ ପ୍ରାଡାନା କିଦୁ, ଏନିକି ନେହୁ କାବୁତାକି ଦୁତୁ ସମାନା ନାନୁ, ନାଢେ ଏ ଡଗୁମାନାଣି ପୁଣ୍ଡି କିହାଲି ସାସାତଲେ ବଲୁ ଖେସାଲି ମାହାପୁରୁ ନା ଗୁଡିତା ନେହୁ କାବୁ ହିୟାନେସି □

୨୦ ଅଡେ ନାନୁ ଏନିକି ଏମାଡି ସାତା କାତା ସାସାତଲେ ଖେସାଲି ଆଡିଇ □

### ଜହରା ଖେସାହାଁ ଆକୁଡି ରାପ୍ନାୟି

୨୧ ✠ନା କାତା, ଇଡିହୁ ନାନୁ ଏନିକି ମାଲ୍, ଇଦାଆଁ ମୀରୁ ଜିକେଏ ଏନିକି ପୁଞ୍ଜାଲି ଆଡିଦେରି, ଇଦାଣି ତାକି ନା ଜୀଝୁଡି ତାୟି ଅଡେ କ୍ରୀସୁଡି କାମାତା ନାମୁଡି ହଲେଏସି ତୁକିକ, ନା ବାରେ କାତା ଏଞ୍ଜାସି ଖେସାନେସି;

୨୨ ଏ ବାରେ କାତା ଖେସାଲି ନାନୁ ଏଞ୍ଜାଣାଲ୍ ମୀ ତାଣା ପାଣ୍ଡାତେଏଁ, ଏନିକି ମୀରୁ ମା ବାରେ କାତା ପୁଞ୍ଜାଲି ଆଡିଦେରି ଅଡେ ମୀ ହିୟାଁ ଏଞ୍ଜାଣି ତାଣାଟି ରାହାଁ ଆନେ □

୨୩ ଆବା ମାହାପୁରୁ ଅଡେ ପ୍ରୁ ଜୀସୁ କ୍ରୀସୁଲ୍ ନାମିଡି ତାୟି ତାଲିସ୍ମାକି ହିଡଡି, ଜୀଝୁନନାୟି ଅଡେ ନାମୁ ହିୟାପେସି □

୨୪ ଏବେକା ଲକ୍ଷ୍ମୀ ମା ପ୍ରୁ ଜୀସୁ କ୍ରୀସୁଲ୍ କାଲେଏ ଜୀଝୁ ନନେରି, ମାହାପୁରୁଡି କାର୍ମାନେହନାୟି ଏ ବାରେଡାକି ଆପେ □

**ପୁସ୍ତକ ଶିକ୍ଷା**

**The New Testament the Kusaal language (Ghana)**

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

**ପୁସ୍ତକ ଶିକ୍ଷା,**

**କୁସାଲ ପୁସ୍ତକ ଶିକ୍ଷା, 2020**

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20